



# Službeni glasnik

Općine Tuzla

GODINA XLVI

14. AVGUST 2009. godine

Broj 8

## I AKTI OPĆINSKOG NAČELNIKA TUZLA

**1**

Na osnovu člana 33. Zakona o budžetima u Federaciji Bosne i Hercegovine („Službene novine Federacije BiH“, broj 19/06.), člana 18. Odluke o izvršavanju Budžeta općine Tuzla i članova 39. i 131. Statuta općine Tuzla („Službeni glasnik općine Tuzla“, broj 2/99. i 9/00.), Općinski načelnik Tuzla, donosi

### ODLUKU o prestrukturiranju rahoda Budžeta Općine Tuzla za period 01. 01. do 31. 12. 2009. godine

#### Član 1.

U Budžetu Općine Tuzla za period od 01. 01. do 31. 12. 2009. godine („Službeni glasnik općine Tuzla“, broj 3/09.), u dijelu „B. RASHODI“, „Poseban dio“, vrše se sljedeće izmjene:

#### **1. U organizacionoj jedinici Služba za komunalne poslove, izgradnju i poslove mjesnih zajednica**

- Ekonomski kod „613311 - Izdaci za održavanje higijene grada«, iznos od 1.800.000,00 KM zamjenjuje se iznosom od 1.700.000,00 KM,
- Ekonomski kod „615221-16« - Grant JKP „Vodovod i kanalizacija“ Tuzla (rekonstrukcija, sanacija i izgradnja objekata vodosnabdijevanja)«, iznos od 1.000.000,00 KM zamjenjuje se iznosom od 1.280.000,00 KM i
- Ekonomski kod „615221-18« - Grant „Centralno grijanje“ Tuzla (rekonstrukcija, sanacija i izgradnja)«, iznos od 200.000,00 KM zamjenjuje se iznosom od 20.000,00 KM.

## 2. U organizacionoj jedinici Služba za budžet i finansije

- Ekonomski kod „614832 - Naknade za povrat ostalih, pogrešno ili više uplaćenih prihoda“, iznos od 40.000,00 KM, zamjenjuje se iznosom od 70.000,00 KM i

- Ekonomski kod „616212 - Izdaci za kamate i ostale naknade“, iznos od 120.000,00 KM, zamjenjuje se iznosom od 90.000,00 KM.

### Član 2.

Za realizaciju ove Odluke se zadužuje Služba za budžet i finansije.

### Član 3.

Odluka stupa na snagu danom objavljivanja u „Službenom glasniku Općine Tuzla“.

OPĆINA TUZLA  
Općinski načelnik  
Broj: 02-14-4779-2009  
12. avgust 2009.godine

OPĆINSKI NAČELNIK  
Jasmin Imamović

## 2

Na osnovu člana 39. i 131. Statuta općine Tuzla («Službeni glasnik općine Tuzla», broj 2/99., 9/00. i 2/08.), člana 23. Odluke o izvršenju Budžeta općine Tuzla za 2009. godinu («Službeni glasnik Općine Tuzla», broj 3/09.) na prijedlog Službe za komunalne poslove, izgradnju i poslove mjesnih zajednica, broj 14-01-23-sl/09 od 12.08.2009. godine, Općinski načelnik Tuzla donosi

## ODLUKU o korištenju sredstava

### Član 1.

Ovom Odlukom se odobrava JKP »Vodovod

i kanalizacija» Tuzla, korištenje sredstava u okviru pozicije kapitalnih izdataka - ekonomski kod 615221-16 – Grant za JKP «Vodovod i kanalizacija» Tuzla (rekonstrukcija, sanacija i izgradnja objekata vodosnabdijevanja), u iznosu od 644.671,00 KM.

### Član 2.

Sredstva iz člana 1. ove Odluke JKP «Vodovod i kanalizacija» Tuzla, koristit će se za rekonstrukciju, sanaciju i izgradnju vodovodnih objekata

### Član 3.

Za realizaciju ove Odluke se zadužuje Služba za budžet i finansije.

### Član 4.

Zadužuje se JKP «Vodovod i kanalizacija» Tuzla da, po utrošku sredstava iz člana 1. ove Odluke, dostavi Službi za komunalne poslove, izgradnju i poslove mjesnih zajednica pisani izvještaj o utrošku istih.

### Član 5.

Odluka stupa na snagu danom donošenja i bit će objavljena u „Službenom glasniku Općine Tuzla“.

OPĆINA TUZLA  
Općinski načelnik  
Broj:02-14-4805-2009  
14. avgust 2009.godine

OPĆINSKI NAČELNIK  
Jasmin Imamović

## 3

Na osnovu člana 12. Zakona o ministarskim, vladinim i drugim imenovanjima u Federaciji Bosne i Hercegovine (“Sl.novine FBiH”, broj 34/03.) i člana 39. stav 1. tačka 2. statuta općine Tuzla (“Sl. glasnik općine Tuzla”, broj 2/99.,9/00. i 2/08.), a u vezi sa

članom 8. i 12. Zakona o javnim preduzećima u Federaciji Bosne i Hercegovine ("Sl. novine FBiH", broj 8/05. i 84/08.) Općinski načelnik Tuzla donosi

## ODLUKU

### o davanju saglasnosti za imenovanje direktora JKP"Saobraćaj i komunikacije- Tuzla" d.o.o. Tuzla

#### I

Daje se saglasnost na Odluku Nadzornog odbora JKP"Saobraćaj i komunikacije-Tuzla" d.o.o. Tuzla, broj 01-27-391-4/09 od 06.08.2009. godine, o imenovanju Vedrana Lakića, dipl.ecc, za direktora JKP"Saobraćaj i komunikacije-Tuzla" d.o.o. Tuzla.

#### II

Odluka će se objaviti u "Službenom glasniku Općine Tuzla"

OPĆINA TUZLA

Općinski načelnik

Broj:02-05-4734

11. avgust 2009.godine

OPĆINSKI NAČELNIK

Jasmin Imamović

#### 4

Na osnovu člana 34. Zakona o budžetima u Federaciji Bosne i Hercegovine («Sl. novine F BiH»), broj 19/06.), člana 39. i 131. Statuta općine Tuzla, ("Sl. glasnik općine Tuzla", broj 2/99., 9/00. i 2/08.), i člana 16. Odluke o izvršavanju Budžeta općine Tuzla za 2009. godinu ("Sl. glasnik općine Tuzla", broj 3/09.), a u vezi sa Zahtjevom JP BIT Centar Tuzla, broj: 1682 od 23. 07. 2009. godine, Općinski načelnik Tuzla, donosi

## ODLUKU

### o izdvajanju sredstava iz Tekuće rezerve Budžeta Općine Tuzla za 2009. godinu, JP BIT Centar Tuzla

#### I

Odobrava se isplata novčanih sredstava iz Budžeta Općine Tuzla za 2009. godinu, pozicija »Tekuća rezerva Budžeta«, u iznosu od 3.419,80 KM.

#### II

Sredstva iz tačke I ove Odluke se izdvajaju za pokrivanje troškova registracije JP BIT Centar Tuzla

#### III

Za izvršenje ove Odluke se zadužuje Služba za budžet i finansije, koja će navedena sredstva uplatiti na žiro račun Budžeta TK, broj: 1321000256000080, vrsta prihoda 722221, na ime osnovnog kapitala 2.000 KM i na ime sudske takse 700,00 KM; za troškove oglašavanja iznos od 150,00 KM na račun „Sl. novine Federacije BiH Sarajevo, broj: 1610000007170057; za troškove notarske obrade osnivačkog akta i sačinjavanje, iznos od 549,90 KM i troškove ovjere potpisa i prepisa, u iznosu od 19,90 KM, na račun broj: 1544002000586116, notara Smaila Salihbegovića.

#### IV

Odluka stupa na snagu danom donošenja i bit će objavljena u „Službenom glasniku Općine Tuzla“.

OPĆINA TUZLA

Općinski načelnik

Broj:02-14-4601-2009

128. juli 2009.godine

OPĆINSKI NAČELNIK

Jasmin Imamović

**5**

Na osnovu člana 59. Odluke o osnivanju JKP "Saobraćaj i komunikacije- Tuzla" d.o.o. Tuzla ("Sl. glasnik općine Tuzla", broj 8/08.) i člana 39. Statuta općine Tuzla ("Sl. glasnik općine Tuzla", broj 2/98., 9/00. i 2/08.), Općinski načelnik Tuzla, donosi

**RJEŠENJE**

**o imenovanju vršioca dužnosti direktora  
JKP "Saobraćaj i komunikacije-Tuzla"  
d.o.o. Tuzla**

**I**

Vedran Lakić dipl. ecc., imenuje se za vršioca dužnosti direktora JKP "Saobraćaj i komunikacije-Tuzla" d.o.o. Tuzla, počev od 19.07.2009. godine.

Imenovanje se vrši do okončanja propisanog postupka za imenovanje direktora JKP "Saobraćaj i komunikacije-Tuzla" d.o.o. Tuzla.

**II**

Rješenje će se objaviti u "Službenom glasniku Općine Tuzla".

OPĆINA TUZLA

Općinski načelnik

Broj:02-05-4727-2009

24. juli 2009.godine

OPĆINSKI NAČELNIK

Jasmin Imamović

**6**

Na osnovu člana 62. Zakona o organizaciji organa uprave u Federaciji Bosne i Hercegovine ("Sl. novine FBiH", broj 35/05.) i člana 15. Odluke o uslovima i načinu obrazovanja i visini naknade za rad stručnih

komisija i drugih radnih tijela u općinskim organima uprave, stručnim i drugim službama Općine Tuzla ("Sl. glasnik Općine Tuzla", broj 3/09.), Općinski načelnik Tuzla donosi

**RJEŠENJE**

**o imenovanju Komisije o civilnim žrtvama  
rata**

**I**

U Komisiju o civilnim žrtvama rata imenuju se:

1. HILMO BUČUK, predsjednik
2. HARIS KURBEGOVIĆ, član
3. FARUK PONJAVIĆ, član
4. ARIF AHMETAŠEVIĆ, član
5. ZINETA HIDANOVIĆ, član
6. FERHAT BAKALOVIĆ, član
7. AMEL MEHMEDOVIĆ, član

Za obavljanje administrativno-tehničkih poslova za potrebe Komisije imenuje se Merzina Merdan, uposlenik Općine Tuzla.

**II**

Zadaci Komisije su sljedeći:

- ustrojavanje evidencije o civilnim žrtvama rata u periodu 1992.-1995.godina, na području općine Tuzla ( u daljem tekstu civilne žrtve rata),
- oformljavanje pojedinačnih dosjea svih civilnih žrtava rata u općini Tuzla,
- razmjena dokumentacije o civilnim žrtvama rata i drugi oblici saradnje s Fondacijom "Istina-pravda-pomirenje",
- saradnja s nadležnim državnim organima u pogledu prikupljanja podataka o civilnim žrtvama rata s područja općine Tuzla,
- prikupljanje građe za objavljivanje knjige o civilnim žrtvama rata s područja općine Tuzla,
- obavljanje drugih poslova po nalogu Općinskog načelnika.

Komisija će raditi za potrebe Općine Tuzla i po uputstvima i smjernicama Općinskog načelnika Tuzla.

### III

Imenovanje predsjednika i članova Komisije se vrši na mandatni period od dvije godine.

### IV

Poslove i zadatke iz tačke II ovog Rješenja, Komisija će obavljati van radnog vremena.

### V

Naknada za rad Komisije će se utvrditi posebnim rješenjem, u skladu s Odlukom o načinu obrazovanja i visini naknade za rad stručnih komisija i drugih radnih tijela u općinskim organima uprave, stručnim i drugim službama Općine Tuzla (“Sl. glasnik Općine Tuzla”, broj 3/09.).

### VI

Stupanjem na snagu ovog Rješenja, prestaje da važi Rješenje o formiranju Komisije o civilnim žrtvama rata, broj: 02-05-372-2009 od 19.01.2009. godine (“Sl. glasnik Općine Tuzla”, broj 1/09.).

### VII

Rješenje stupa na snagu danom donošenja.

### VIII

Rješenje će se objaviti u “Službenom glasniku Općine Tuzla”.

OPĆINA TUZLA  
Općinski načelnik  
Broj:02-05-2648-2009  
27. juli 2009.godine

OPĆINSKI NAČELNIK  
Jasmin Imamović

## 7

Na osnovu člana 9. Zakona o ministarskim, vladinim i drugim imenovanjima (“Sl. novine FBiH”, broj 12/03. i 34/03.), člana 12. Odluke o osnivanju Općinskog pravobranilaštva (“Sl. glasnik općine Tuzla”, broj 3/93., 4/98., 3/05. i 2/09.) i tačke V Odluke o raspisivanju javnog oglasa za imenovanje Općinskog pravobranioca u Općinskom pravobranilaštvu Tuzla (“Sl. glasnik općine Tuzla”, broj 7/09.), Općinski načelnik Tuzla, donosi

## RJEŠENJE

### o imenovanju Komisije za provođenje javnog oglasa za imenovanje Općinskog pravobranioca u Općinskom pravobranilaštvu Tuzla

### I

U Komisiju za provođenje javnog oglasa za imenovanje Općinskog pravobranioca u Općinskom pravobranilaštvu Tuzla (u daljem tekstu: Komisija), imenuju se:

1. ANELA HUKIĆ GARČEVIĆ, predsjednik
2. MERSIHA MEHMEDOVIĆ, član
3. IVICA LAMEŠIĆ, član
4. GANIJETA ARIFHODŽIĆ, član
5. JASMINKA RADUNOVIĆ KOSTIĆ, član

### II

Zadatak Komisije je da preduzme sve radnje i aktivnosti propisane odredbama člana 10., 11. i 12. Zakona o ministarskim, vladinim i drugim imenovanjima (“Sl. novine FBiH”, broj 12/03. i 34/03.) u postupku provođenja javnog oglasa za imenovanje Općinskog pravobranioca u Općinskom pravobranilaštvu Tuzla.

**III**

Rok za izvršenje zadatka je do okončanja postupka po javnom oglasu.

**IV**

Poslove i zadatke iz tačke II ovog Rješenja, Komisija će obavljati u toku radnog vremena.

**V**

Rješenje će se objaviti u "Službenom glasniku Općine Tuzla".

OPĆINA TUZLA  
Općinski načelnik  
Broj:02-14-4792-2009  
12. avgust 2009.godine

OPĆINSKI NAČELNIK  
Jasmin Imamović

**8**

Na osnovu člana 70. Zakona o organizaciji organa uprave u Federaciji Bosne i Hercegovine („Službene novine Federacije BiH“, broj 35/05.), članova 23., 25. i 26. Pravilnika o ostvarivanju novčane podrške u primarnoj poljoprivrednoj proizvodnji za 2009. godinu („Službene novine Tuzlanskog kantona“, broj 7/09.), Općinski načelnik Tuzla, donosi

**RJEŠENJE**

**o imenovanju Komisije za utvrđivanje prava korisnika na novčanu podršku na ime kapitalne investicije u primarnoj poljoprivrednoj proizvodnji, za utvrđivanje prava korisnika na novčanu podršku na ime projekata naučnih i stručnih institucija u**

**oblasti uzgojno selekcijskog rada u stočarstvu, zaštiti bilja i introdukciji u sjemenarstvu i za utvrđivanje prava korisnika na novčanu podršku na ime participacije u realizaciji projekata novih tehnologija od interesa za primarnu poljoprivrednu proizvodnju**

**I**

U Komisiju za utvrđivanje prava korisnika s područja općine Tuzla na ostvarivanje novčane podrške na ime:

- kapitalne investicije u primarnoj poljoprivrednoj proizvodnji,
- projekata naučnih i stručnih institucija u oblasti uzgojno selekcijskog rada u stočarstvu, zaštiti bilja i introdukciji u sjemenarstvu, i
- participacije u realizaciji projekata novih tehnologija od interesa za primarnu poljoprivrednu proizvodnju, imenuju se:

1. Mirsad Pirišević, predsjednik  
Almir Šuta, zamjenik predsjednika
2. Jusuf Žigić, član  
Dijana Dizdarević, zamjenik člana
3. Zdravko Tomić, član  
Esmir Spahić, zamjenik člana

**II**

Zadatak Komisije je da, u skladu s odredbama članova 23. 25. i 26. Pravilnika o ostvarivanju novčane podrške u primarnoj poljoprivrednoj proizvodnji za 2009. godinu („Službene novine Tuzlanskog kantona“, broj 7/09.), razmotri zaprimljene zahtjeve za ostvarivanje novčane podrške iz tačke I ovog Rješenja i zapisnički konstatuje da li korisnici ispunjavaju uslove za ostvarivanje novčane podrške, te nakon toga sačini prijedlog za ostvarivanje iste.

**III**

Komisija će raditi u toku redovnog radnog vremena.

**IV**

Rješenje stupa na snagu danom donošenja, a objavit će se u „Službenom glasniku Općine Tuzla“.

OPĆINA TUZLA  
Općinski načelnik  
Broj:02-05-4769-2009  
3. avgust 2009.godine

OPĆINSKI NAČELNIK  
Jasmin Imamović

**9**

Na osnovu člana 70. Zakona o organizaciji organa uprave („Sl. novine Federacije BiH“; broj 35/05.), člana 3. Odluke o uslovima i načinu obrazovanja i visini naknade za rad stručnih komisija i drugih radnih tijela u općinskim organima uprave, stručnim i drugim službama Općine Tuzla („Sl.glasnik Općine Tuzla“, broj 3/09.), u vezi s članom 9. Ugovora o regulisanju međusobnih prava i obaveza, zaključenog između Rudnika „Kreka“ d.o.o. u Tuzli i Općine Tuzla, broj: 02-31-207, od 09. 01. 2004. godine, Općinski načelnik Tuzla, donosi

**RJEŠENJE**

**o imenovanju članova zajedničke Komisije  
za  
praćenje realizacije Ugovora, broj: 02-31-  
207 od 09. 01. 2004. godine**

**I**

U zajedničku Komisiju za praćenje realizacije Ugovora o regulisanju međusobnih prava i obaveza, zaključenog između Rudnika „Kreka“ d.o.o. u Tuzli i Općine Tuzla, broj: 02-31-207 od 09. 01. 2004. godine, imenuju se:

1. Safet Husanović, dipl. ing. maš., predstavnik Općine Tuzla
2. Jusuf Žigić, dipl. pravnik, predstavnik Općine Tuzla
3. Dijana Dizdarević, dipl. ecc., predstavnik Općine Tuzla
4. Muris Nišić, dipl. ing.rud., predstavnik RPC Tuzla-Inkubator „Lipnica“ doo Tuzla

**II**

Zadatak Komisije je da shodno članu 9. navedenog Ugovora prati i najmanje jednom godišnje sagleda realizaciju istog, da o tome sačini pisanu informaciju i predloži ugovornim stranama rješavanje eventualno nereguliranih pitanja.

**III**

Komisija će raditi u redovnom radnom vremenu, a imenuje se na mandat u trajanju od dvije godine.

**IV**

Rješenje stupa na snagu danom donošenja, a objavit će se u «Službenom glasniku Općine Tuzla» .

OPĆINA TUZLA  
Općinski načelnik  
Broj:02-05-4921-2009  
10. avgust 2009.godine

OPĆINSKI NAČELNIK  
Jasmin Imamović

**S A D R Ź A J**  
**«Službenog glasnika Općine Tuzla», broj 8/2009**

**IAKTI OPĆINSKOG NAČELNIKA TUZLA**

1. Odluka o prestrukturiranju rahoda Budžeta Općine Tuzla za period 01. 01. do 31. 12. 2009.godine	353
2. Odluka o korištenju sredstava	354
3. Odluka o davanju saglasnosti za imenovanje direktora JKP „Saobraćaj i komunikacije- Tuzla“ d.o.o. Tuzla	354
4. Odluka izdavanju sredstava iz Tekuće rezerve Budžeta Općine Tuzla za 2009. godinu, JP BIT Centar Tuzla	355
5. Rješenje o imenovanju direktora JKP „Saobraćaj i komunikacije-Tuzla“ d.o.o. Tuzla	356
6. Rješenje o imenovanju Komisije o civilnim žrtvama rata	356
7. Rješenje o imenovanju Komisije za provođenje javnog oglasa za imenovanje Općinskog pravobranioca u Općinskom pravobranilaštvu Tuzla	357
8. Rješenje o imenovanju Komisije za utvrđivanje prava korisnika na novčanu podršku na ime kapitalne investicije u primarnoj poljoprivrednoj proizvodnji, za utvrđivanje prava korisnika na novčanu podršku na ime projekata naučnih i stručnih institucija u oblasti uzgojno selekcijskog rada u stočarstvu, zaštiti bilja i introdukciji u sjemenarstvu i za utvrđivanje prava korisnika na novčanu podršku na ime participacije u realizaciji projekata novih tehnologija od interesa za primarnu poljoprivrednu proizvodnju	358
9. Rješenje o imenovanju članova zajedničke Komisije za praćenje realizacije Ugovora, broj: 02-31-207 od 09. 01. 2004. godine	359